

# Samkomulag 54

Samkomulag

Hér taka allir undir - sérstaklega í viðlaginu. Þar má syngja hátt, í röddum eða hvernig sem er, spila á hvert það hljóðfæri sem nærtækt er, t.d. slá saman skeiðum, hoppa, stappa, nánast allt nema berja næstamann. Helst þarf þó að halda takti.

(Texti: tekinn héðan og þaðan. Lag: Iko, iko)

Liðið okkar ennþá er  
aftur komið saman  
sátt að una' og sitja hér,  
syngja' og hafa gaman.

Viðlag:

Við erum ;,: sextug-, (sextug-);,: ,  
sextugir krakkar í kór.

Þótt hárið gráni' og hrukkist fés  
í huga' erum ekki' orðin stór.

Fljúga hvítu fiðrildin  
fyrir utan glugga;  
þarna siglir einhver inn  
ofurlítill dugga.

Kristín litla komdu hér  
með kalda fingur þína.  
Ég skal bráðum bjóða þér  
báða lófa mína.

Viðlag

Eitthvað tvennt á hné ég hef,  
heitir annað Stína.  
Hún er að láta lítið bréf  
í litlu nösina sína.

Fuglinn segir bí bí bí,  
bí bí segir Stína.  
Kveldúlfur er komin í  
kerlinguna mína.

Viðlag

Rauður minn er sterkur, stór,  
stinnur mjög til ferðalags.  
Suður á land hann feitur fór,  
fallegur á tagl og fax.

Runki fór í réttirnar  
ríðandi á honum Sokka.  
Yfir holt og hæðirnar  
hann létt klárinn brokka.

Viðlag

Litla Jörp með lipran fót  
labbar götu þvera.  
Hún skal seinna á mannamót  
mig í söðli bera.

Buxur, vesti, brók og skó,  
bætta sokka nýta,  
húfutetur, hárklút þó,  
háleistana hvíta.

Viðlag

Skjóni leiðir lipran fót  
lands um breiðar grundir.  
Yfir heiðar gjár og grjót  
Gunnu skeiðar undir.

Litli Jarpur leikur sér  
Lipurt er hans fótatak.  
Pabbi góði gaf mér hann.  
Gaman er að skreppa' á bak.

Liðið okkar ennþá er  
aftur komið saman  
sátt að una' og sitja hér,  
syngja' og hafa gaman.

Viðlag:

Við erum :,: sextug-, (sextug-):,: ,  
sextugir krakkar í kór.  
Þótt hárið gráni' og hrukkist fés  
í huga' erum ekki' orðin stór.

Afi minn fór á honum Rauð  
eitthvað suður á bæi.  
Að sækja bæði sykur og brauð  
sitt af hvoru tagi.

Afi minn og amma mín  
úti' á Bakka búa.  
Þau eru mér þæg og fín  
þangað vil ég fljúga.

Viðlag

Við skulum róa sjóinn á  
að sækja okkur ýsu.  
En ef hann krummi kemur þá  
og kallar á hana Dísu.

Við skulum róa' á selabát  
fyrst við erum fjórir.  
Það er bæði þú og ég,  
stýrimaður og stjóri.

Viðlag

Allt fram streymir endalaust,  
ár og dagar líða.  
Nú er komið hrímkalt haust,  
horfin sumars blíða.

Nú er úti veður vott,  
verður allt að klessu.  
Ekki fær hann Grímur gott  
að gifta sig í þessu.

Þegar ekki' er alltof kalt,  
Óli litli og Gunna.  
Vilja út að vega salt,  
vel þau leikinn kunna.

Komdu litla krílið mitt,  
komdu litla morið.  
ENN er liðið ekki þitt,  
æskublíða vorið.

Viðlag

Sungu með mér svanur, örn,  
smyrill, kría, haukur,  
keldusvín og krummabörn,  
kjói' og hrossagaukur.

Mjólkin heit og kannan köld,  
komin utan úr frosti.  
Ef við drekkum af í kvöld,  
okkur skánar þorsti.

Viðlag

Tunna valt og úr henni allt  
ofan í djúpa keldu.  
Skulfu lönd og brustu bönd,  
en botngjarðirnar héldu.

Margrét litla, mærin góð,  
mikla brúkar snilli.  
Stundum ill og stundum góð,  
stundum þar á milli.